


Bupusi Yina Bigangwa ya Kimpeve Kevandaka ti Yo na Luzingu na Beto (Kitini ya 1)

Yo me katuka na kapu 10 ya mukanda *Inki Biblia Kelongaka Mpenza?* Yo kele na jw.org.

LUKANU: Kuzaba mambu yina nge ke kwikilaka mpi sambu na nki, kutadila mambu yina Biblia ke longaka, mpi kumona mutindu nge lenda tendudila bantu ya nkaka balukwikilu na nge.



BAWANZIO KELE BANANI?

1 TADILA BALUKWIKILU NA NGE

Bantu ya nkaka lenda tuba nki?

Inki mambu *nge* ke kwikilaka?

Sambu na nki nge ke kwikilaka mutindu yina?

2

TADILA MAMBU YINA BIBLIA KE LONGAKA

Bawanzio kele bigangwa ya kimpeve yina kele ti ngolo, mayele, mpi mawi.
(Tala kapu 10 ya mukanda *Biblia Kelongaka*, paragafe 1-5.)

Tanga Yobi 38:4-7, Nkunga 103:20, mpi Luka 15:10.

Inki mutindu baverse yai ke monisa nde bawanzio kele ngolo, mayele, mpi ti mawi?

Tanga Daniele 6:22 mpi Bisalu 12:6-11.

Inki mutindu bawanzio ya kwikama sadisaka bantu ya Nzambi na ntangu ya ntama?



Bawanzio ke sepelaka ntangu ata muntu mosi mpamba me vutuka na Yehowa.—Luka 15:10

Bawanzio yonso ve kele ya kwikama.

(Tala kapu 10 ya mukanda *Biblia Kelongaka*, paragafe 6-8.)

Tanga Kusonga 12:9.

Na kutadila verse yai, keti Satana Diabulu kele wanzio mosi mpamba yina kolamaka?

Tanga Kuyantika 6:2.

Inki mutindu bademo kolamaka na Nzambi?

Tanga Nkunga 34:7.

Inki mutindu nge kudiwaka ntangu nge zabaka nde Nzambi ke sadilaka bawanzio ya kwikama sambu na kutanina beto na bawanzio yina ke zolaka kusala beto mbi na kimpeve?

3

TENDULA BALUKWIKILU NA NGE

KANA MUNTU KUTUBA NDE...

Bawanzio ke vandaka ve.

NGE LENDA TUBA NDE...

Ziku bantu mingi ta ndima dibanza yina. Kansi mu ke kwikilaka ve mutindu yina sambu...

Inki verse nge lenda tangila muntu yina?

Sambu nge me zaba ngindu na yandi, nki mutindu nge ta yindula ti yandi na verse yina?

KANA MUNTU KUTUBA NDE...

Mu me monaka ntete ve bawanzio, yo yina bo kele ve na mfunu ata fioti na luzingu na mu.

NGE LENDA TUBA NDE...

Yo ke kieleka nde bawanzio ke monikaka ve na bantu bubu yai mutindu bo vandaka kusala yo na ntangu ya ntama. Kansi, mu ke kwikilaka nde bo *ke vandaka* ti bupusi na luzingu na beto sambu...

Inki verse nge lenda tangila muntu yina?

Sambu nge me zaba ngindu na yandi, nki mutindu nge ta yindula ti yandi na verse yina?
